

driczehenhundert iar darnach in dem acht vnd nuynzigesten iare am nehisten dinstage nach dem suntage Trinitatis.

Nach dem Orig. im K. Haupt-Staatsarchiv zu Dresden mit dem wohlerhaltenen Reitersiegel an Schnuren von rother und grüner Seide.

No. 235. 1398. 1. Oct.

*Der Abt und der Convent des Cistercienserklusters zu Altzelle verkaufen an das Afrastift Geldzinsen zu Zadel bei Meissen.*

[Wir Franciscus] apt des closters zcu der Cellen, Nicolaus prior, Johannes vndirprior, Jacobus kelner, Theodericus bursarius, Johannes portarius, Gebehardus brudermeister, Nicolaus senger vnd [die gancze] sampnunge doselbins gemeine beken- nen vor vns vnd alle vnser nochkomen, daz wir met wol bedochtem mute vnd vor- rate vnser sampnunge vorkouft habin [vnd vorko]ufen recht vnd redelichin sechs schock gr. vnd viertzig gr. yerlichis czinses gelegen in dem dorffe czum Czadil den geistlichin erbern heren hern Georgio [prabiste], hern Nicolao prior vnd dem ganczen capittil dez closters der heiligen frauwen sente Affren czu Missin vnd haben en die gegeben vmb achczig schock gros[chin Fribergisc]her muncze, der sie vns ouch gereyt nuczlichin bezalit haben, vnd haben die leuthe in deme egenannten dorffe czum Czadil met rechter erbhuldunge czu dem [clostere sente Affren vnd an] die vor- genanten heren prabiste prior vnd capittil gewyst, alzo daz sie den egnanten czins sechs schock vnd vierczig gr. geben vnd bezalen sullen den [geistlichen her]ren zcu sente Affren, deme priori vnd custodi geben uff den nestin sente Michelstag zcu Missin in erem clostere. Ab die leuthe doran sewmig wo[r]din, sull]en vnd mogen die egnanten heren zcu sente Affren die lute met phandunge da czu brengen. Do sullen vnd wullin wir vnser nochkomen vnd ane ..... eiff czu dem Czadill .... daz zu helfen vnd rathen, daz en der czins redelichen gevalle ane arg. Gesche ys abir, daz got wende, ab daz [kriges wegin die] lute vorterbtt adir vorwust wor- den, alzo daz die lute den vorgnanten heren den czins nicht gegeben adir bezalin mochten, so su[llen vnd wullin] wir vorgnanter apt vnd sampnunge czu der Celle den egnanten czins von andern vnsern gutern gutlichin geben vnd bezalen, alzo [vor geschrebin] stet. Ouch haben vns die egnanten heren sulche fruntschaft vnd gunst getan, ab wir adir unsere nochkomen den selbin czins wedir ko[ufen vnd an vns brengin] mogen, daz sal an vns sten, svenne wir daz wol gethun mogen. Doch so sullen vnd wollen wir en die losunge vor deme selben czinstag [eyn virteil] iars uff sagen vnd vorkundegen, vnd sie denne bezalen die egnanten achczig schock gr. met deme nestin czinse Fribergischer muncze, die czu [den geczitin w]ol genge vnd gebe in deme lande synt, nicht abir czu stande die uff gehabene czinse an deme hauptgute an arg. Vnd alle die wile alz wir [den vor]gnanten czins nicht weder koufen vnd lehen, sullen die megnanten heren dez czinses gewaldig sein vnd die lute czu phendin alz vor geschrebin [stet] ..... wenne wir egnanter apt vnd samp- nunge die egnante summe achtczig (schock) bezalen wollen vnd mogen, daz sullen